



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Lvstgartlein Einer Heiligen Liebe**

**Boyman, Jakob**

**Cölln, 1650**

Cap. III. Jn der Communion/ nach begehrttem Segen/

**urn:nbn:de:hbz:466:1-45647**

Das III. Capitel.  
O heiliges Sacrament! O speiß  
der Lieb! O möcht ich an dir den Todt  
essen! vnd auß lieb / vmb deiner Lieb  
wegen sterben! O möcht ich dir allein  
leben/vnd mir in allem absterben!

O Lieb! tödte in mir alles / was nit  
Lieb ist/vnd sey du allein mein leben.

O Mutter der Lieb Maria/sey mir  
ein Mutter der Lieb / vnd ensgünde  
durch deine Lieb in meinem herzen die  
Lieb/welche mich zu deinem kind / vnd  
deines Sohns bruder mache/ Amen.

Das III. Capitel.

In/vnd vnter wehrender  
Communion.

Ob dich kützlich/ vnd hertzlich in folgen-  
den Tugenden.

1. Begehre von deinem Geliebten/so bald  
du ihn empfangē/ den segen/ vnd sprich:

**O** Mein geliebter / vnter allen ges-  
benedent/segne vñ benedeye mein  
herz vnd mund / vnd verleyhe daß ich  
sie



sie fortan nur dich zu lieben / loben /  
vnd benedeyen gebrauch.

2. Vbe den Glauben / vnd sprich:

Ich glaub mein Geliebter / du sehest  
gesund in meinem herzen ; zeig nun /  
daß du da sehest / vnd erleuchte dassel-  
big / vnd vermehre meinen Glauben.

3. Vbe die Hoffnung / vnd sprich:

Ich hoffe mein Geliebter / du werdest  
mich deiner verdiensten / durch dieses  
Sacrament theilhaftig machen / dei-  
ne gaben vnd gnaden mittheilen / mir  
in allen gefahren beystehen. Stärke  
diese meine Hoffnung.

4. Vbe die Lieb / vnd sprich:

Ich liebe dich / O mein geliebter / auß  
ganzem meinem herzen / ersünde  
mich in dieser meiner lieb / vnd verley-  
he daß sie niemalen außge-  
löscht werde.